

A ÑUCAMA SINANXUN CA AXA ANU TIMĚCĚ UNICAMAN ĚSAQUIN CAXA:

A PAIN SINANCĚ BANA

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun camaxunbi 'unancĕ 'aish ca camabi uni, uni itsin racueocema 'janan cĕmei ami mananquin 'atimocĕna 'aish chŭamarua bucuti 'icĕn.

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun sinanti 'ainbi ca an usaquin sinancĕma unicaman an sinancĕx a meu 'icĕ uni 'aisamaira tĕmĕramianan paĕ tanmiquin 'atimoia, uni raírĭ usoquin uni 'ati ca 'aisama 'icĕ quicĕbĕtanbi. Usaquin bĕtsi unĭ 'ati cuĕĕnima ca camabi uni ěsai iti 'icĕn: ańu ńu ńui cara banaia a cupĭ ubĭocĕma itĭ, 'ianan ańu ńu cara sinania a cupĭ ubĭocĕma 'iti, 'ianan ańu cara pisa tania pianan ain cuĕĕncĕ ńu bĭanan uinu cara 'isa tania anu 'iabi ca bĕtsi unĭ unin racuĕotima icĕn.

CAMAXUNBI CA 'UNANIA: Gobiernocaman uni upitax bucunun quixun bana mĕniocĕma 'ain tĕmĕraquin ca unicaman masá nuituquin ain 'apumibĭ nishi 'acananti sinanti 'icĕn.

CAMAXUNBI CA 'UNANIA: Camabi netenu 'icĕ unicama ubĭocĕma 'aish chŭamarua 'inun ca camabi nĕtĕnu 'icĕ gobiernobĕ ain unicamaribi bĕtsi gobierno 'imainun ain unicamabĕ nishananima upĭ iti 'icĕn.

CAMAXUNBI CA 'UNANIA: Gobiernocaman xucĕx timĕcĕ unicaman ca upĭma ńu 'acĕma 'aish ca camabi uni bĕtsibĕ sĕnĕn 'aish ubĭonancĕma upiti itĭ icĕ quixun sinanquin camabi uni usai 'inun 'aquinú camaxbi 'iásamaira oi upiti bucunun.

CAMAXUNBI CA 'UNANIA: Gobiernocamanribi ca caxa, camabi 'apun anĕcĕ unicaman sinancĕsaribi oquin cananuna nunribi sinanin. Usaxun cananuna atubĕtan atún sinancĕsabi oi nun nĕtĕnu 'icĕ unicama 'atima ńu 'acĕma 'aish upiti bucunun 'aquinti 'ain.

CAMAXUNBI CA 'UNANIA: Camabi unicama ubĭocĕma upiti bucunun ca camaxunbi pain ĕnĕ banacama unanquin sinanti 'icĕn.

Gobiernocaman xucĕx timĕcĕ unicaman ca ěsaquin caxa:

A ÑUCAMA SINANXUN CA AXA ANU TIMĚCĚ UNICAMAN ĚSAQUIN CAXA:

Camabi nĕtĕnu 'icĕ unicaman: ěsai 'iti 'aish ca camabi uni upiti bucutĭ ice quixun sinanquin ca ĕnĕ quiricanua ńuicĕ banacama manutimoquin sinánan an ĕnĕ bana 'unancĕma unicamanribi upĭ oquin 'unánun 'unanmitĭ 'icĕn. Camabi gobiernonĕn ca ain nĕtĕnu icĕ unicaman ĕnĕ banacama upĭ oquin 'unánun 'aquinti 'icĕn. Camabi nĕtĕnu 'icĕ unicaman ĕnĕ banacama upĭ oquin 'unánun ca gobiernocama bĕtsi gobiernobĕ 'aquiananti 'icĕn.

1.

Ui uni cara 'iti icĕ axbi ca bĕtsi unibĕ gobiernonĕn iscĕx sĕnĕn itĭ icĕn. Ui cara ain tita ain papa 'iaxa quixun sinanquinma ca gobiernonĕn sinancĕx ax bĕtsibĕ sĕnĕn 'icĕn. Camaxunbi ca sinanti 'unanin. Camaxunbi ca ańu ńu ati cara asábĭ 'icĕn, ańu ńu 'ati cara 'aisama 'icĕ quixun 'unanti 'icĕn. Usa 'ain ca camaxbi ain xucĕnbĕ 'icĕsaribiti nuiananti 'icĕn.

2.

Uinu 'icĕ ĕmanu 'icĕ uni cara ax 'icĕ, ui unin aintsi cara ax 'icĕ, ax cara xanu 'icĕ, ax cara nucĕ bĕnĕ 'icĕ, uisa banan cara banaia. Nucĕn Papa Diosmi cara sinania, ami sinanima ańu ńubi rabi cara sinania, ui unicamax cara 'apu 'iti ice quixun sinania, ańu ńu cara sinania, uisai cara ain papa ain tita 'ia, ńuńu cara ax 'icĕ, ńuńuma cara, usa ńucama sinanquinma ca gobiernonĕn camabi uni ńu 'atima 'acĕma 'aish ca bĕtsi unibĕ sĕnĕn icĕ quixun sinanti 'icĕn.

Uisa cara ain nete icĕ, a nĕtĕ cupĭ ca uni 'atimocĕ 'itima 'icĕn.

3.

Ui unibi ca bĕtsi unin bamamiti sinantima 'icĕn. Ca chiquítimoi sipuacĕ 'itima 'icĕn. Ca 'atimocĕ 'itima 'icĕn.

4.

Uinu 'icĕ unibx ca chiquitimoquin marucĕ 'itima 'icĕn. Uni chiquitimoquin maruxun 'ibuati 'aĭma itĭ 'icĕn.

5.

Uinu ice unibi ca 'aisamaira oquin uni itsin paĕ tanmitima 'icĕn. Bĕtsi uni ami nishquin paĕ tanmiquin 'atimocĕ a ca 'itima 'icĕn. ńuina 'acĕsa oquin 'atimocĕ ca uni 'itima 'icĕn.

6.

Uinu 'icĕ unĭxa uinu cara 'ia a ca anu 'icĕ gobiernonĕn uni itsi 'acĕsaribi oquin sinanti 'icĕn, ax bĕtsi unisaribi 'icĕ cupĭ.

7.

Unu ice unibi, ami uni itsin upima sinanquin paránan 'atimonunma ca gobiernonën 'aquintí 'icën. Enë banacama sinanquinma ain cuëëncës a oquin unin uní itsi atimoi ami 'ësënanunma ca gobiernonën bërúati 'icën.

8.

Uni ñu 'atima 'acëma 'icëbi uni itsin 'atimocë 'ixun ca a unin an uni bana mënioxuncë 'apu cati 'icën. Cacëxun ca mëniotí 'icën, gobiernonën cacësabi oquin.

9.

Unu 'icë unixbi ca añubi 'uchacëma 'icëbi bëtsi uni ain cuëëncësa oquin sipuacë 'itima 'icën. Sipunu 'icë ca anubi 'inun ëntima 'icën. Ain menua ca bëtsi menu cuantanun xutima 'icën.

10.

Unin uisa ñu 'acë 'icëa bëtsi uni a 'aisamonun quixun ami mananquin cacëxun ca an bana mënioçë 'apun bëtsi uni manancë a unin banaribi asërabí cara usa 'icë quixun 'unantí 'icën, uni raírinënribi ismainun. Upí oquin istancëxuinshi ca cati 'icën, uisa cara a uní otí ice quixun, gobiernonën ain quiricanu mëníosabi oquin.

11.

Unu 'icë uni cara uni itsin ami manania, a ca an bana mënioçë 'apun pain upí oquin sinantí 'icën, sapi ca ñu 'atima 'acëma 'icë quixun. Gobiernonën cacësabi oquin pain ca isti 'icën uisa ñucama cara 'axa quixun. Uni rairinën ismainun ca axa ami manancë unicaman bana cuanan amia manancancë a unin banaribi cuanan an a uni unancë unin banaribi cuatí 'icën. Cuaxuinshi ca asérabi uisa cara a uni 'iaxa quixun upí oquin 'unantí 'icën.

Uisai cara gobiernonën bana quia usoquinshi ca an bana menioce 'apun a 'uchacë uni asérabi ain ñu 'atima 'acë istancëxun uisa cara otí ice usoquin 'atí 'icën. Anun a ñu 'aisama 'acë nètë ain fecha isquin ca an bana mënioçë 'apun a fecha gobierno quicë bana bëtisoima a bana quicësabi oquinshi axa 'uchacë uní atí 'icën.

12.

Unu 'icë uninbi ca ain cuëëncësa oquinshi bëtsi uni 'imainun ain xanu 'imainun ain bëchicë ubiotima 'icën, ain xubunu ca atsintima 'icën, ain quirica bëtsi unin bëmice 'imainun quirica an buanmicë ca rairinën bitima 'icën. Usa 'ain ca uinu ice unixbi, a unix ca 'aisama icë quixun uni rairi sinanmi 'atimati banatima 'icën. Usai banacëbëtanbi an bana menioce apun gobiernonën cacësabi oquin meniotí 'icën.

13.

Unu cara uni cuainsa tania, anu ca cuanti 'icën; ain nètënu 'aisch uinu cara tsotisa tania ca uni anu tsoti 'icën.

Ui unix cara ain nètënuax nètë itsinu cuainsa tania ax ca cuanti 'icën. Amanu 'itancëx ain nètënu utecëinsa tani ca uti 'icën.

14.

Uix cara ain nètënuaxun bëtsi bëtsi ocë 'ia ax ca tëmëranuxma bëtsi nètënu cuainsa tani cuanti 'icën.

Ain ñu 'atima 'acë cupí gobiernonën mënioquin 'atimocë usa uni ca ain nètënuax tëmëratí rabanan bëtsi nètënu cuantima 'icën.

15.

Camabi uni ca ain netenu ití 'icën.

Enë nètë minan 'aishbi ca minanma 'iti 'icë quixun ca unin bëtsi uni catima 'icën. Bëtsi nètënu 'isa tanquin ca unin usai 'inuxun gobiernobëtan mëniotí 'icën.

16.

Bëtsi bëtsi unix ca quia: Uni canice ixunbi ca bëtsi netenu icë xanu bitima 'icën, ca bëtsi banan banacë xanu bitima 'icën, ca an rabicë dios rabicëma xanu bitima 'icën. Usa unix quicësai ca 'itima 'icën. Unin usa xanu canicë 'icë bisa tanquin ca bití 'icën, a xanu cuëëncëbëtan. Atux 'isa tani ca bëchicëñu 'ití 'icën. Gobiernonën iscëx ca a uni ain xanubë sënën 'icën, xëñibua 'ainbi.

Nucë bënë cuëënuquinshi ca xanu biti 'icën, a anúribi cuëënia ca bití 'icën.

Tuácama ain tita ain papabë 'aquiananti ca asábi 'icën. Usai upiti bucunun ca camabi unin sinantí 'icën. 'Apunribi ca usai 'inun sinanxunquin 'aquintí 'icën.

17.

Uni meñu 'isa tania ca uni itsin meñu 'inun ënti 'icën. Xuburibi 'imainun aña ñuñu cara uni 'isa tania ca uni itsin a ñuñu 'inun ënti 'icën. 'Aisa tanquin uni rairibëtan mëníotancex ca a ñu ainainshima, rairinanribi 'iti 'icën.

Unin ca ain cuëëncësa oquinshi bëtsi unin ñu bitima 'icën.

18.

Camabi unin ca ain cuëëncësa oquin sinanti 'icën; uni rairinën ubiôcëma ca 'ití 'icën. Uisoquin cara ain dios rabisita tania usoquin ca 'ati 'icën. Usaquin sinanxunbi ca amiribishi 'aisa tanquin sinantécentí 'icën; uni rairinén ubiôcëma ca 'ití 'icën. En rabicë diosan iscëx ca bëtsi bëtsi ñu 'ati 'aisama 'icë quixun sinancë uni ca bëtsi unin a ain cuëëncësabi oquin 'anun ënti 'icën. Usa ain ca ain diosmi catamëisa tania bëtsi unin a 'axunma 'anun catima 'icën. An rabicë dios ca anbi rabití 'icën. 'Aisa tani ca uni rairibë timëquin abëtan rabeti 'icën. Rabiquin ca 'aisa tanquin rairi uniribi ain dios ñuiquin 'unanmití 'icën.

19.

Camabi unin ca ain cuëëncësa oquin sinanti 'icën. Ca ubiôcëma 'iti icën. Ca bëtsi unin cacë bana 'aisa tanquin sinanti 'icën. Bëtsi nëtënu 'icë unibëribi ca 'unanmiananti 'icën. Usai 'i ca ubiôcëma iti 'icën. Usaribi oi ca ain sinancë ñu ñui banatisa tani banati 'icën; ca ubiôcëma 'iti 'icën.

20.

Uni rairibë timçtisa tani ca uni upí oquiinschi sinanx timetí 'icën.

Uinu 'icë uninbi ca bëtsi unin abëtan ñu 'aisama tania ubioxun ñu 'amitima 'icën.

21.

Camabi unin ca libreta electoralñu 'ixun ain cuëëncësa oquin 'apu caisquin votación 'atí 'icën.

Gobiernonën ain nëtënu 'icë unicama 'aquinun mënioçë ñucama ca camabi uninan 'icën. Ca esa 'icën: Bai cha anun ca carrocama 'imainun unicama cuainsa tani cuanti 'icën. Anun quirica buanmiti correo anun ca unin 'aisa tanquin ain quirica buanmiti 'icën. Usai ca 'iti 'icën.

Uisa gobierno cara a nëtënu 'icë unicama cuëënia, usa ca ain gobierno 'iti 'icën. Uisa gobierno cara a unicama cuëënia 'unánun ca libreta electoralñu 'icë unicaman quiricanu cuëñëoquin uicama cara ain 'apu 'iti cuëënia quixun 'unánun 'ati 'icën. Camabi uni ain sinancësabi oquin ca uix 'apu 'iti cara cuëënia, ain anë quiricanu cueneotí icën. Cuëñëocë ca uni itsin 'unantima 'icën, anbi cuëñëocë ca ití 'icën. Camabi uni ca bëtsibë sënën 'icën. Usa 'aish ca camabi uni gobierno quicësabi ol libreta electoralñu 'iti 'icën.

22.

An ñu 'atima 'acëma 'aish ca uinu 'icë unixbi rabinima bëtsi uni 'icëσαι ñu meetinu ianan uni rairibë nuianancë 'ianan ain rairinën ñu 'acë 'icësaribi oi 'isa tani iti 'icën. Uní usai 'icëma 'aish tëmërala ca uni itsin 'aquinti 'icën, ain 'apunribi mënioçësabi oi ca 'aquinçe ití icën. Uni ain nëtënuax cara uisa ñu cara 'icëbë tënëmëria ca bëtsi nëtënu 'icë gobiernonënribi 'aquinsa tanquin 'aquinti 'icën.

23.

Camabi unin ñu mëëtisa tanquin ca ñu meetí 'icën. Añu ñu mëëti cara 'aisa tania a ñu mëëti mëraquin ca 'ati 'icën. An ñu mëëmicë unin ca ain uni 'atimotima 'icën. Ñu mëëti 'alma 'ain ca 'apun ñu mëëti mëranun 'aquintí 'icën.

Ui uni cara, uisa cara ain bana 'icë, camabi uni ca sënen 'icën. Usa 'ixun ca upí oquin ñu meece 'ixun bëtsi unin 'acësaribi oquin ain cupí biti 'icën.

Ui unin bëtsi uni ñu mëëxuncë 'ixun ca ain cupí biti 'icën, a 'imainun ain xanu 'imainun ain bëcicëcama upiti bucunun. Ain cupí 'itsamashi bicë 'aish 'aquinsa 'icë ca apun anun a 'aquinti mëníoti 'icën.

An ñu mëëcë uni raíri unibë timëquin bëtsibë bëtsibë aquiananisa tanquin, ulsoquin cara ain ñu mëëti 'ati 'icë quixun sinánan uisa cara ain ñu meetí icë quixun acama sinánux timëtia ca uni itsin usaquin anun enti icën.

24.

Camaxbi ñu mëëtancëx tantiti ca asábi 'icën. 'Uráinra tantiquinma ñu mëëtancëx ca tantití 'icën. Anun tantiti nëtë gobiernonën mënlocësabi oquin ca unin ñu mëëquinmabi ain cupí biti 'icën.

25.

Camabi uni 'imainun ain xanu 'imainun ain bëchicëcama ësai 'iti ca asábi "icën: 'insincëma chuámarua, pitiñu, chupañu, anu itinu, insincë 'aish roñu 'iti. Uni ain ñu meetí 'alma, uni insince, uni bëtsicë, xanu casunamëcë, uni xëni acama anun upiti 'iti 'alma 'ain, ain aintsin 'aquiniama ca a 'aquinti 'apun mëníoti 'icën.

Tuáñu xanucama 'imainun tuácamaribí upití inun ca 'aquincë ití icën. Bëtsi tuácama 'icësaribitia 'inun ca unin xanumi sëcë' ocë tuácama bërúance ití icën.

26.

Camabi tuá ca escuelanu atsintisa tani atsinti 'icën. Cuploquinma ca primaria 'ati pain atsinti 'icën. Camabi tuáratsu ca escuelanu cuanti 'icën. Ui unicama cara escuela técnica anu atsintisa tania ca anu cuanti 'icën, apun mëníosabi oi. Secundaria cēñutancëxun bētsi ñuribi unantisa tani ca bētsi escuelanuribi atsinti 'icën, ain nota asábi ain.

Escuelanuxun ca quiricanu cuēñeocē ñuishi 'unanmicēma 'iti 'icën. Anuxun ca alumnocama bētsi ñu 'atiribi 'unanmicē ití 'icën, 'imainun ca upí oquian alumnonēn sinanti aribi 'unanmicē 'iti 'icën. Bētsi menu 'icē unicama 'imainun bētsi banan banacē unicama 'imainun Nucēn Papa Diosmi sinancē unicama 'imainun ami sinancēma unicama, camabi nusaribi uni 'aish unibē nuibananti ca 'unanmicē 'iti 'icën. Usaquin sinanmicēx ca gobiernocaman xucē unicama timëxun cuēñcēsabi oi unicama bētsibē nishanani 'acananti 'aima ití icën.

Bētsi unin cacēsamaira oquin ca ain titabētan ain papan cati 'icën, uisa escuelanuxuinra cara ain bēchicēnēn ñu 'unanti ice quixun.

27.

A ěmanu 'icē unicaman 'acēsa oquin ca anu 'icē uni rairinēn 'aisa tanquin usaribi oquin 'ati 'icën. A ěmanu 'icē unicaman sinancēsa oquin ca anu 'icē uni rairinēn 'aisa tanquin usaribi oquin sinanti 'icën, camaxunbi ñu 'ati upí oquin 'unánan upiti bucunun.

An ñu 'acē uní 'imainun an ñu cuēñeocē uni anpan 'acē 'ain ca bētsi unix, en 'acē ca quiax quitima 'icën. Usai bētsi unix quiti rabanan ca an ñu 'acē unin 'aisa tanquin an 'acē ñu a 'apu 'unanmiti 'icën.

28.

Enē quiricacama quicēsabi oi camabi uni uni itsin ublocēma upiti bucuti 'inun ca camabi nētēnu icē unin ain aintsi 'aquinti 'icën.

29.

Camabi únin ca ain ěmanu 'icē unicama 'imainun a 'urama 'icē ain caibucama 'aquianan atubētan ain ěma 'imainun mecama upí imití icën. Usaquin 'ai cuni ca unix masá sinancēma 'aish upiti 'ití 'icën.

Unix ublocē 'aish upiti bucucēma 'imainun unin ñu 'atima 'aquin uni itsiribi ñu 'atima 'amiti 'imainun bētsi bētsi ñu sinanquin uni raíri tsuáquirumiti usai 'iti rabanan ca gobiernonēn ain unicaman cuati bana mëníoia. Usa oquin mēnlocē banacama ca ain unicaman cuati 'icën.

Gobiernocaman xucēx timçcē unicaman upí oquin sinanquin ca ěñē banacama cuēñeoxa. Usaribi oquin ca camabi unin ěñē bana isquin, usaquin sinanquin 'acē ca enex ice quixun upí oquin sinanti 'icën. An 'acē unicaman sinancē bana ca bētsiotima 'icën.

30.

Enē banacama bētsioquin ca uinu 'icē uninbi uni raíricama upiti bucunun quixun sinanquinma, 'ëx cuēñcēsa oquin 'anun ca a bana quia quixun sinantima 'icën. Uni raíri bētsi unibē timēcēcama 'imainun gobiernonu ice apucamanribi ca usa oquin sinantima icën.